



Հայկական Բժշկական Ասոցիացիա

Армянская Медицинская Ассоциация

Armenian Medical Association

10.11.2022

«Վարդու իրավունքների պաշտպան
Տիկին Քրիստինե Գրիգորյանին,

Հարգելի տիկին Գրիգորյան

Ցանկանում ենք Ձեր ուշադրությունը հրավիրել մեր թուրք գործընկերոջ՝ **Թուրքական Բժշկական Ասոցիացիայի (ԹԲԱ) նախագահ պրոֆեսոր Շեքնեմ Քորուր Ֆինչանջիի (Şebnem Korur Fincancı)** անհանգստացնող դեպքի վրա, ով գտնվում է կալանքի տակ այն բանից հետո, երբ 2022 թվականի հոկտեմբերի 19-ին Գերմանիայում կայացած ուղիղ հեռուստատեսային հարցազրույցի ժամանակ կոչ արեց անկախ հետաքննություն անցկացնել Հյուսիսային Իրաքում քիմիական զենքի օգտագործման մասին պնդումների վերաբերյալ: Անկարայի 3-րդ աստիճանի քրեական դատարանը նրան ձերբակալել է «սահաբեկչական կազմակերպության օգտին քարոզչության» մեղադրանքով:

Մենք աջակցում ենք Թուրքական Բժշկական Ասոցիացիային Համաշխարհային Բժշկական Ասոցիացիայի (ՀամԲԱ, WMA) գործունեության շրջանակներում, որի անդամներն են մեր երկու կազմակերպությունները: Գրոֆեսոր Շեքնեմ Քորուր Ֆինչանջիի մասնակցում է ՀամԲԱ-ի գործունեությանը՝ որպես խոշտանգումների դեմ պայքարող փորձագետ և որակավորված բժիշկ՝ դրսևորելով անմնացորդ նվիրում մարդու իրավունքներին և մեր մասնագիտության էթիկական արժեքներին:

Գրոֆեսոր Ֆինչանջիի դեմ քրեական հետաքննություն սկսելը լոկ այն պատճառով, որ նա կոչ է արել հետաքննել արգելված զենքի կիրառման մեղադրանքները, ակնհայտորեն խախտում է խոսքի ազատությունը և հակասում է մարդու իրավունքները պաշտպանելու թուրքական իշխանությունների ստանձնած պարտականությանը՝ իր միջազգային պարտավորություններին համապատասխան: Ուստի մենք կոչ ենք անում անհապաղ և անվերապահ կերպով ազատ արձակել նրան:

Չուգահեռաբար, հոկտեմբերի 30-ին Անկարայի գլխավոր դատախազությունը դատական գործընթաց է հարուցել ԹԲԱ-ի խորհրդի անդամներին աշխատանքից հեռացնելու կապակցությամբ՝ «սահաբեկչական կազմակերպությունների» օգտին նրանց գործողությունների կամ հայտարարությունների համար:

Թուրքական բժշկական ասոցիացիայի հետ տարիներ շարունակ մեր աշխատանքային հարաբերությունները վկայում են հակառակը. այն նվիրված և վստահելի բժշկական մարմին է: Սա առաջին անգամը չէ, որ ԹԲԱ-ին սպառնում են: 2020 թվականի հոկտեմբերին ՀամԲԱ-ն միաձայն ընդունել է բանաձև, որը կոչ է անում պաշտպանել ԹԲԱ-ն որպես ազգային անկախ ասոցիացիա և որպես երկրի բոլոր բժիշկների հիմնական ներկայացուցչական մարմին:

Ազգային բժշկական ասոցիացիաների անկախության պաշտպանությունը չափազանց կարևոր է: Նրանք ներկայացնում են մեր մասնագիտության տեսակետները, ներառյալ էթիկական բժշկության պրակտիկայի ապահովման, որակյալ բժշկական օգնության տրամադրման և աշխատող բոլոր բժիշկների կողմից բարձր չափանիշներին հավատարիմ մնալու ջանքերը:

Թուրքիայի պետական մարմինների կողմից բժշկական մասնագիտության դեմ ուղղված այս միտումնավոր հարկադրանքի գործողությունները լուրջ մտահոգություն են առաջացնում առողջապահության և մարդու իրավունքների ոլորտում համաշխարհային հանրության համար: Մենք հավատում ենք, որ Ձեր միջամտությունը թուրքական իշխանությունների արարքներին՝ ի պաշտպանություն պրոֆեսոր Շեքնեմ Քորուր Ֆինչանջիի և ի պաշտպանություն ԹԲԱ-ի անկախության, նշանակություն կունենա և օգտակար կերպով կնպաստի բժշկական մասնագիտության միջազգային էթիկական չափանիշների պահպանմանը և հարգանքին բոլոր դեպքերում, մարդու իրավունքների և հիմնարար ազատությունների համար՝ Թուրքիայի կողմից վավերացված մարդու իրավունքների միջազգային չափանիշներին և փաստաթղթերին համապատասխան:

Կանխավ շնորհակալ ենք ձեր կողմից իրականացվելիք համապատասխան գործողությունների համար:

ՀԲԱ նախագահ  Արմեն Սողոմյան